

HITZ BITAN

TURISMOA. Hitzarmena egin dute Nafarroak, Aragoik eta Kataluniak

LANDER F. ARROIAIBE / ARGAZKI PRESS

Pirinioak ezagutarazteko akordioa sinatu dute

Pirinioetan turismoa bultzatzeko hitzarmena sinatu dute Nafarroak, Aragoik eta Kataluniak Espainiako Gobernuako Turismo Sailarekin. 1999. urtean onartutako planaren barruan kokatzen da akordio hori. Aurten 842.000 euroko aurrekontua izanen du, alde batetik *Pirinioak* marka atzerrian, batez ere Europan, ezagutarazteko, eta, bigarre-

nik, Nafarroako, Aragoiko eta Kataluniako eskaintza turistikoa Europako hainbat azokatan bultzatzeko, eta kanpoko turismo arduradunak eta gidak hiru erkidego horietara ekartzeko, Pirinioak gertutik ezagut ditzaten. Sinatutako akordioaren barruan, Pirinioei buruzko kanpaina egingen dute Europako hainbat herritan.

HEZKUNTZA**Eusko Jaurlaritzak dioenez, «irakasleen %75ek euskaraz eman ahal dituzte eskolak»**

Erredakzioa | GASTEIZ

«Irakasleen %75ek eskolak euskaraz emateko gaitasuna daukatela-eta», pozik agertu zen Anjeles Iztueta Eusko Jaurlaritzako Hezkuntza sailburua atzo. Izan ere, 1975ean euskaraz eskolak eman ahal zituzten irakasleak %5 baino ez zirela gogoratu zuen. Jaurlaritzako Kultura eta Hezkuntza sailek eta Ikastolen Elkartek aisialdian euskararen erabilera sustatzeko eginiko hitzarmen sinatzeko ekitaldian egin zituen adierazpen horiek Iztuetak.

Euskal Herri osoko 14 ikastolatan garatuko da proiektua: Arabako sei ikastolak egin dute bat ekimenarekin, Bizkaiko sei, Gipuzkoako lauk, Iparraldeko bik eta Nafarroako batek. Euskararen Sustapenerako Egitasmo Nagusiaren barruan daude proiektua garatuko duten ikastola guztiak. Itunaren garrantzia azpimarratu zuen Iz-

tuetak, «euskara bizi eta erabili behar delako». Hain zuzen, horixe dela proiektuaren helburu nagusia nabarmendu zuen.

Hezkuntzaren eta udalen egitasmoak lotzeko ahalegina

Halaber, proiektua 2003 eta 2004. urteetan garatuko dela agertu zuen. Hala ere, esperientzia ondo irtenez gero, egitasmoa eskola sare osora eta beste gizarte eremu batzuetara ere zabalduko dutela zehaztu zuen. Izan ere, proiektuaren asmoa da hezkuntza alorrean eta udal-letan euskara sustatzeko dau den plangintzak lotzea. «Gazte-txoen artean euskararen erabilera handitzea da egitasmoaren helburua. Ikastetxeetan ikasitakoa aisialdian erabiltzeko aukera izan dezatela», esan zuen.

Proiektuak 440.590 euroko aurrekontua du. Jaurlaritzak aurrekontuaren %60 hartuko du bere gain eta %40 Ikastolen Elkartek.

AHT**Madrirek dio ez dela izango 'Euskal Y'-aren gaineko akordiorik Jaurlaritzak «eskumenak urratzen jarraitzen badu»**

Espainiako Gobernuako Sustapen ministro Francisco Alvarez Cascosek atzo adierazi zuenez, ezinezkoa izango da *Euskal Y*-aren gaineko akordio bat lortzea «horretarako eskumenik ez duen erakunde batek (Eusko Jaurlaritzak), bere aldetik, beste aldearen eskumenak urratzen jarraitzen badu». EAJko Juan Jose Otxoa diputatuak egindako galdera bati erantzunez egin zituen adierazpen horiek Cascosek, eta nabarmendu zuen akordio posible bakarra «administrazio bakoitzaren eskumenen errespetutik» etorriko dela.

EUSKARA**Internet bidezko euskarazko lehen zerbitzu juridikoa jarri dute abian enpresa txiki eta ertainentzat**

Landwell-PWC eta Telekomunikazioen Euskadiko Klusterrak internet bidezko euskarazko lehen zerbitzu juridikoa jarri dute abian (www.iuristic.org), enpresa txiki eta ertainek erabil dezaten. Iuristic izeneko proiektuak informazio eta komunikaziorako teknologia berrien gaineko aholkularitza juridikoa eskainiko du: komunikazio sareetan banakoek eta taldeek dituzten eskubideak...

HEZKUNTZA**Jaurlaritzaren Unibertsitate Lege proiektuaren atal asko PPK onartutakoan antzekoak direla dio PSE-EEk**

Rodolfo Ares PSE-EEko Eusko Legebiltzarreko ordezkariak atzo gogor kritikatu zuen Eusko Jaurlaritzak egin duen Unibertsitate Lege egitasmoaren zirriborroa. Forma eta edukiekin ados ez daudela esan zuen Ares. Zirriborroa egiteko parte hartzerik ez dela izan kritikatu zuen, eta ziurtatu atal askotan Espainiako Gobernuak onartutako Unibertsitate Legearen kopia hutsa dela. EHU Jaurlaritzaren esku utzi nahi izatea leporatu zion Ares Iztueta Hezkuntza sailburuari.

GENERO BORTIZKERIA**Getxon emakume bat hiltzeaz akusatua dagoen gizona askatu izana salatu dute**

Maria Pilar Rodriguez Getxon 2001eko otsailaren 11n ustez bere senarrak hil zuen emakumearen lagunek kritikatu dute akusatua behin-behineko askatasunean jarri izana. Lagunek diotenez, Rufino Jimenezek hil zuen emakumea bere semearekin bizi zen etxean, eta gogor kritikatu dute justiziaren portaera. «Ezingo dugu kaleetan lasai ibili», laburbildu dute.

HEZKUNTZA**2.800 ikasle lehiatuko dira Euskadiko XXII. Eskolarteko Jokoetan**

2.800 ikasle lehiatuko dira aurten Euskadiko XXII. Eskolarteko Jokoetan. Atzo aurkeztu zituzten Araba, Gipuzkoa eta Bizkaiko eskoletara begira egin diren jokoak Gipuzkoako Foru Aldundiaren egoitzan. Araba, Gipuzkoa eta Bizkaiko ikasleek gain, Nafarroakoek ere parte har dezakete, «gonbidatu gisa». Abiapuntu gisa, kros bat egingo dute, Elgoibarren, datorren igandean. Gainerako jokoa 2003ko maiatzean egingo dira Eibar, Elgoibar, Mutriku, Deba eta Zumaian. Guztira 230 talde ariko dira Eskolarteko Jokoetan.

Imozko Udala

IRAGARKIA

Udal planeko aldagaitza hasiera batez onetsirik Imozko Udala, 2003ko otsailaren 7an egin bilkuran, hasiera bateko onespina eman zion Udal Planaren aldagaitza honi:

Goldaratzan, 1. Sektorea sortzea, Ekialdeko lur urbanizagarri eremua haunditzea.

Espedientia jendaurrean egonen da hilaetako epean, iragarki hau Nafarroako ALDIZKARI OFIZIALEAN argitaratzen den biharamonetik hasita, epe horretan interesatuek bidezko juzgatzen dituzten alegazioak aurkeztu ditzaten.

Imotzen, bi mila eta hiruko otsailaren hamazazpian ALKATEA

Stua: Maria Antonia Iribarren Aldareguia

BERAko UDALA

AYUNTAMIENTO DE BERA

UDAL PLANAREN PROIEKTUA HASIERA BATEZ ONESTEA

2002ko abenduaren 30ean Herriko Etxeko Udalbatzak egindako bilkuran, ondoan dagoen erabakia onetsi zuen:

1. Berako Udal Plana hasiera batez onartzea.
2. Aipatu Udal Plana hilaetako epean jendaurrean jartzea, Nafarroako Foru Komunitatean argitaratzen diren egunkarietan eta Nafarroako Aldizkari Ofizialean aurrez aurreko iragarkia jarrita.
3. Udalerri osoan obra baimenak emate eten gelditu direla seinaleztatzea.
4. Hasiera batez onartutako Udal Plan hau Nafarroako Gobernuak behari diren Departamentuetara eta "Confederación Hidrográfica del Norte" izeneko bidaltzea legeak xedatzen duten txostenak egin ditzaten.

2003ko otsailaren 7ko 17. zenbakidun Nafarroako Aldizkari Ofizialean argitaratutako iragarkia.

Bera, 2003.02.12 ALKATEA, J.J. Goia Etxeberria

BERAko UDALA

AYUNTAMIENTO DE BERA

OIHAN ENKANTEA

AKATSEN ZUZENKETA

Zenbait komunikabidetan argitaratutako Berako Gondendiaga, Artxelu, Lizuniaga eta Santa Bárbara parajetako oihan-probetxamenduaren enkanteari buruzko iragarkian akatsak aurkitu direnez, iragarki balioduna 2003ko urtarriaren 29ko 13. zenbakidun Nafarroako Aldizkari Ofizialean argitaratutako bertsioan argitaratutakoa dela jakinarazten da.

Beraz, proposamenak fetxa horretatik hasita hurrengo 27 egun naturaletan aurkeztu daitezke, epea otsailaren 25ean 13:00etan amaitzen delarik.

Bera, 2003.02.13 Alkatea / El Alcalde J.J. Goia Etxeberria